



Higher
Course
Specification



Sònrachadh Cùrsa Eachdraidh Àrd Ìre (C772 76)

Bhon Lùnastal 2014

An deasachadh seo: Giblean 2014, dreach 1.1

Faodar an sònrachadh seo ath-riochdachadh gu h-iomlan no ann am pàirt airson adhbharan foghlaim fhad 's nach fhaighear prothaid bhon ath-riochdachadh, agus, ma thèid pàirt dheth ath-riochdachadh, gun tèid aithne a thoirt don tùs. Faodar lethbhreacan a bharrachd den t-Sònrachadh Cùrsa seo luchdachadh a-nuas bho làrach-lìn SQA: www.sqa.org.uk.

Thoir fa-near nota air atharraichean aig deireadh Sònrachadh a' Chùrsa seo airson mion-fhiosrachadh mu atharraichean bhon dreach eile (far a bheil seo iomchaidh).

© Ùghdarras Theisteanas na h-Alba 2013

Cnàmhan a' Chùrsa

Tìotal a' Chùrsa:	Eachdraidh Àrd Ìre
SCQF:	Ìre 6 (24 puingeann creideis SCQF)
Còd a' Chùrsa:	C772 76

Aonadan Riatanach

H2V9 76 Sgrùdadh Eachdraidheil: Alba (Àrd Ìre)	6 puingeann creideis SCQF
H4W7 76 Sgrùdadh Eachdraidheil: Breatainn (Àrd Ìre)	6 puingeann creideis SCQF
H4W8 76 Sgrùdadh Eachdraidheil: An Roinn Eòrpa agus an Saoghal (Àrd Ìre)	6 puingeann creideis SCQF
Measadh Cùrsa	6 puingeann creideis SCQF

Tha sia puingeann creideis SCQF sa Chùrsa seo gus ùine a bharrachd a cheadachadh airson ullachadh mu choinneamh measadh a' Chùrsa. Tha measadh a' Chùrsa a' còmhach luach-leasaichte a' Chùrsa. Tha fiosrachadh a bharrachd mu mheasadh a' Chùrsa ri fhaighinn san earrainn air Measadh.

Ìre tòiseachaidh

Gheibhear a-steach don Chùrsa seo le cead an ionaid. Ge-tà, bhiodh dùil gum biodh luchd-ionnsachaidh air na sgilean, an t-eòlas agus an tuigse riatanach fhaighinn bho na teisteanasan a leanas no feadhainn cho-ionann, agus/no eòlas:

- ◆ Cùrsa Eachdraidh Nàiseanta 5 no Aonadan buntainneach bhon Chùrsa

Adhartas

Dh'fhaodadh an Cùrsa seo no na h-Aonadan aige a bhith nan slighe air adhart gu:

- ◆ Cùrsa Eachdraidh Àrd Ìre Adhartach no na h-Aonadan aige
- ◆ uilleadh ionnsachaidh, cosnadh agus/no trèanadh

Tha tuilleadh mion-fhiosrachaidh anns an earrainn air Feallsanachd.

Co-ionannachd agus in-ghabhail

Tha an Sònrachadh Cùrsa seo air a dhealbh gus dèanamh cinnteach nach eil bacaidhean neo-riatanach ann ro ionnsachadh no measadh. Bu chòir feumalachdan luchd-ionnsachaidh fa leth a thoirt fa-near nuair a thatar a' planaigeadh eòlasan ionnsachaidh, a' taghadh dòighean measaidh no a' cnuasachadh air fianais eile. Airson fiosrachadh a bharrachd, seall air *Notaichean-taic a' Chùrsa*.

Feallsanachd

Tha na Cùrsaichean Nàiseanta ùra agus ùraichte uile a' nochdadh luachan, adhbharan agus prionnsapalan Curraicealam airson Sàr-mhathais. Tha iad a' tairginn sùbailteachd, barrachd ùine airson ionnsachadh, fòcas nas fheàrr air sgilean agus a' cleachdadh ionnsachadh, agus cothrom airson pearsanachadh agus roghainn.

Anns a' Chùrsa seo, agus na h-Aonadan a tha nam pàirt dheth, bidh cuideam air leasachadh sgilean agus cleachdadh nan sgilean sin. Bidh dòighean measaidh co-rèireach, freagarrach agus a' cur air adhart sàr chleachdadh, a' leigeil le luchd-ionnsachaidh na h-ìrean as àirde a tha nan comas a ruighinn.

Tha an Cùrsa seo a' toirt chothroman do luchd-ionnsachaidh cumail orra a' faighinn agus a' leasachadh buadhan agus comasan nan ceithir comasachdan, cho math ri sgilean airson ionnsachadh, sgilean airson beatha agus sgilean airson obair.

Bheir na Cùrsaichean gu lèir cothroman do luchd-ionnsachaidh farsaingeachd, dùbhlàn agus cleachdadh a leasachadh, ach bidh fòcas agus cothromachd a' mheasaidh freagarrach airson an raoin cuspair.

Dàimh eadar an Cùrsa agus luachan, adhbharan agus prionnsapalan Curraicealam airson Sàr-mhathais

Tha an Cùrsa seo a' togail air prionnsapalan agus cleachdadh airson raon curraicealaim eòlas sòisealta.

Ann an Eachdraidh, leasaichidh luchd-ionnsachaidh an tuigse air an t-saoghal le bhith ag ionnsachadh mu dhaoine eile, agus mu na luachan aca, aig amannan agus ann an àitean agus suidheachaidhean diofraichte.

Brosnaichidh an Cùrsa seo luchd-ionnsachaidh gus beachdan cudromach a leasachadh, a' gabhail a-steach: inntinn fhosgailte agus spèis do luachan, creideas an agus cultaran dhaoine eile; a bhith fosgailte do smaoineachadh agus bheachdan ùra; mothachadh air dleastanas agus saoranachd chruinneil.

Cuiridh Eachdraidh ri tuigse luchd-ionnsachaidh air a' chomann-shòisealta sa bheil iad beò 's ag obair le bhith gan cuideachadh gus tuigse mhath fhaighinn air na forsaichean a tha air cumadh a thoirt don t-saoghal an-diugh.

Tha a bhith a' faighinn eòlas agus tuigse chuspaireil air tachartasan eachdraidheil aig cridhe a bhith a' cuideachadh luchd-ionnsachaidh gu bhith nan com-pàirtichean èifeachdach ann an comann-sòisealta, cho math ri bhith toirt dhaibh barrachd misneachd nan ionnsachadh agus nam beatha-obrach fhèin.

Brosnaichidh Eachdraidh luchd-ionnsachaidh gus buadhan agus comasan nan ceithir comasachdan a leasachadh bho iomadh sealladh. Mar

eisimpleir, thèid sealladh an luchd-ionnsachaidh a leudachadh agus bidh dùbhlán romhpa coimhead air an t-saoghal ann an dòighean ùra. Fàsaidh a' mhìseachd aca nuair a thòisicheas iad a' tuigsinn barrachd mun dearbh-aithne fhèin agus mun àite fhèin san t-saoghal cho-aimsireil. Togaidh luchd-ionnsachaidh frèam de eòlas agus tuigse eachdraidheil a chuidicheas iad gus mothachadh fhaighinn air saoranachd earbsach.

Bheir an obair rannsachaidh agus breithneachaidh sa Chùrsa seo eòlas cudromach do luchd-ionnsachaidh a thaobh a bhith a' cur ri obair-buidhne agus cuideachd a bhith ag obair air an ceann fhèin. Gheibh luchd-ionnsachaidh buadhan a bhios cudromach airson am beatha agus an obair.

Tro sgilean agus susbaint a' Chùrsa seo, gheibh luchd-ionnsachaidh tuigse òrdail, chothromach air eachdraidh na h-Alba, Bhreatainn, na Roinn Eòrpa agus an t-Saoghail. Leis gum bi cuideam air luachadh tòrr stòran eadar-dhealaichte, thèid sgilean smaoineachaidh a sìor leasachadh. Bidh luchd-ionnsachaidh cuideachd a' sìor leasachadh sgilean ann an litearrachd le bhith a' cleachdadh agus a' co-chur fiosrachadh ann an caochladh dhòighean.

Adhbhar agus amasan a' Chùrsa

'S e adhbhar a' Chùrsa an saoghal a dh'fhalbh fhosgladh do luchd-ionnsachaidh. Tha eachdraidh a' toirt lèirsinn do luchd-ionnsachaidh a thaobh am beatha fhèin agus a' chomainn-shòisealta agus an t-saoghail mhòir sa bheil iad beò.

Le bhith a' sgrùdadh an àm a dh'fhalbh, bidh tuigse nas fheàrr aig luchd-ionnsachaidh air na coimhearsnachdan aca fhèin, air an dùthaich agus air an t-saoghal mhòr. Le tuigse air a' bhun-bheachd leantail, bidh tuigse nas fheàrr aca air atharrachadh, agus a bhrìgh, an dà chuid nan latha fhèin agus san àm a dh'fhalbh.

Gheibh an luchd-ionnsachaidh farsaingeachd agus doimhne san eòlas agus san tuigse aca air an àm a dh'fhalbh le bhith a' sgrùdadh cho-theacsaichean mu Alba, mu Bhreatainn, mun Roinn Eòrpa agus mun t-Saoghal ann an linntean eadar-dhealaichte. Tha na roghainnean a' còmhdach chuspairean bho na Meadhan-Aoisean, an Nuadh-aois Thràth agus an Nuadh-aois Anmoch, agus a' gabhail a-steach eileamaidean de dh'eachdraidh phoilitigeach, shòisealta, eaconamach agus chultarail. Faodar am modh a thèid a leasachadh agus an tuigse a gheibhear a chleachdadh le suidheachaidhean agus cùisean eachdraidheil eile.

'S iad prìomh amasan a' Chùrsa na leanas a leasachadh:

- ◆ tuigse bhun-bheachdail air an àm a dh'fhalbh agus comas smaoineachadh gu neo-eisimeileach
- ◆ grunn sgilean, a' gabhail a-steach comas sealladh eachdraidheil mionaideach a chleachdadh ann an grunn cho-theacsaichean diofraichte

- ◆ sgilean ann a bhith a' mion-sgrùdadh eadar-mhìneachaidhean diofraichte air stòran eachdraidheil, agus ann an luachadh breithneachail air caochladh bheachdan
- ◆ tuigse air an dàimh eadar cùisean a tha a' cur ri, agus a' bhuaidh a tha aig, tachartasan eachdraidheil
- ◆ sgilean ann a bhith a' mion-sgrùdadh, a' luachadh agus a' co-chur fiosrachadh
- ◆ eachdraidheil
- ◆ sgilean ann a bhith a' rannsachadh chùisean eachdraidheil thoinnte, a' tighinn gu co-dhùnaidhean air an deagh reusanachadh

Fiosrachadh mu luchd-ionnsachaidh àbhaisteach a dhèanadh an Cùrsa

Tha Cùrsaichean Eachdraidh buntainneach airson tòrr luchd-ionnsachaidh diofraichte. Tha an Cùrsa seo freagarrach dhaibhsan a tha airson tuigse fhaighinn air eachdraidh no a tha airson a dhol air adhart gu sgrùdadh eachdraidheil speisealaichte.

Gheibhear a-steach don Chùrsa seo le cead an ionaid. Ge-tà, 's dòcha gum bi e feumail do luchd-ionnsachaidh na sgilean agus an t-eòlas a dh'fheumar airson Cùrsa Eachdraidh Nàiseanta 5 no teisteanasan co-ionann a bhith aca.

Tro bhith a' coileanadh a' Chùrsa seo gu soirbheachail, thèid sgilean cudromach airson ionnsachadh, beatha agus obair a leasachadh. Am measg nan sgilean sin tha: a' rannsachadh agus a' sgrùdadh chuspairean agus thachartasan; a' co-chur fiosrachadh bho tòrr stòran eadar-dhealaichte gus loidhnichean argamaid mionaideach, reusanta a dhèanamh; agus a' tighinn gu co-dhùnaidhean air an deagh reusanachadh stèidhte air fianais.

Gabhaidh na Cùrsaichean gu lèir san t-sreath seo ealla ri feumalachdan luchd-ionnsachaidh gu lèir agus bheir iad sùbailteachd gu leòr gus leigeil le luchd-ionnsachaidh coileanadh ann an dòighean eadar-dhealaichte agus aig luaths eadar-dhealaichte.

Tha Aonadan agus Cùrsaichean Eachdraidh gan tabhann bho SCQF ìre 3 gu SCQF ìre 7. Gabhaidh adhartas dìreach a dhèanamh tro na h-ìrean de theisteanasan Eachdraidh agus tarsainn gu teisteanasan eile san t-sreath de Chùrsaichean ann an Eòlas Sòisealta.

Leigidh Cùrsa Eachdraidh Àrd Ìre luchd-ionnsachaidh a-steach gu tuilleadh ionnsachaidh, cosnadh agus trèanadh. Tha an Cùrsa seo na ullachadh airson tòrr obraichean agus dhreuchdan eadar-dhealaichte.

Structar a' Chùrsa agus cumhachan coileanaidh

Structar a' Chùrsa

Leasaichidh an Cùrsa seo grunn sgilean inntinneil. Brosnaichidh e ionnsachadh gnìomhach fhad 's a tha e a' leasachadh tuigse air daoine agus comann-sòisealta san àm a dh'fhalbh. Togaidh agus cleachdaidh luchd-ionnsachaidh eòlas buntainneach agus ionnsaichidh iad mar a chleachdas iad sgilean ann an rannsachadh, mion-sgrùdadh agus luachadh air stòran gus tachartasan agus cuspairean eachdraidheil cudromach a thuigsinn agus a mhìneachadh.

Tha trì Aonadan riatanach sa Chùrsa seo. Am broinn gach Aonaid tha sùbailteachd a thaobh cho-theacsaichean agus chuspairean a dh'fhaodar sgrùdadh gus pearsanachadh agus roghainn a cheadachadh.

Le bhith a' dèanamh a' Chùrsa seo leasaichidh luchd-ionnsachaidh tòrr sgilean a ghabhas toirt tarsainn, a' gabhail a-steach: a' rannsachadh agus a' sgrùdadh chuspairean agus thachartasan; a' mion-sgrùdadh, a' luachadh agus a' co-chur fiosrachadh bho tòrr stòran eadar-dhealaichte gus loidhnichean argamaid mionaideach, reusanta a dhèanamh; agus a' tighinn gu co-dhùnaidhean air an deagh reusanachadh stèidhte air fianais.

Thèid na sgilean gu h-àrd a leasachadh agus a chleachdadh tarsainn air grunn cho-theacsaichean eachdraidheil. Bheir gach Aonad cothroman cuideachd do luchd-ionnsachaidh a bhith ag amas air sgilean sònraichte.

Tha Aonadan nan cunntasan air slatan-tomhais airson measadh, 's chan ann nam prògraman ionnsachaidh agus teagaisg. Gabhaidh an libhrigeadh ann an grunn dhòighean.

Sgrùdadh Eachdraidheil: Alba (Àrd Ìre)

San Aonad seo, leasaichidh luchd-ionnsachaidh dòighean gus grunn stòran eachdraidheil a luachadh. Faodar cùisean iom-fhillte ann an eachdraidh na h-Alba a sgrùdadh bho na Meadhan-Aoisean, an Nuadh-aois Thràth agus an Nuadh-aois Anmoch. Gheibh luchd-ionnsachaidh eòlas agus tuigse air raon sgrùdadh eachdraidheil.

Sgrùdadh Eachdraidheil: Breatainn (Àrd Ìre)

San Aonad seo, leasaichidh luchd-ionnsachaidh dòighean gus buaidh leasachaidhean eachdraidheil a luachadh. Faodar cùisean iom-fhillte ann an eachdraidh Bhreatainn a sgrùdadh bho na Meadhan-Aoisean, an Nuadh-aois Thràth agus an Nuadh-aois Anmoch. Gheibh luchd-ionnsachaidh eòlas agus tuigse air raon sgrùdadh eachdraidheil.

Sgrùdadh Eachdraidheil: An Roinn Eòrpa agus an Saoghal (Àrd Ìre)

San Aonad seo, leasaichidh luchd-ionnsachaidh dòighean gus na cùisean a tha a' cur ri leasachaidhean eachdraidheil a luachadh. Faodar cùisean iom-fhillte ann an eachdraidh na Roinn Eòrpa agus an t-saoghail a sgrùdadh bho na Meadhan-Aoisean, an Nuadh-aois Thràth agus an Nuadh-aois Anmoch. Gheibh luchd-ionnsachaidh eòlas agus tuigse air raon sgrùdadh eachdraidheil.

Cumhachan coileanaidh

Gus teisteanas a' Chùrsa fhaighinn, feumaidh an neach-ionnsachaidh na h-Aonadan a phasaigeadh gu lèir cho math ri measadh a' Chùrsa. Chithear na h-Aonadan riatanach ann an earrann cràmhan a' Chùrsa. Bidh am measadh Cùrsa na bhunait gus buileachadh a rangachadh ann an teisteanas a' Chùrsa.

Sgilean, eòlas agus tuigse

Tha tuilleadh fiosrachaidh mu mheasadh air sgilean, eòlas agus tuigse airson a' Chùrsa air a thoirt seachad ann an *Sònrachadh Measadh a' Chùrsa*. Tha tar-shealladh farsaing air na sgilean cuspair, an eòlas, agus an tuigse riatanach a thèid a mheasadh sa Chùrsa, anns an earrainn seo.

Tha seo a' còmhach:

- ◆ a' leasachadh agus a' cleachdadh sgilean, eòlas agus tuigse tarsainn air co-theacsaichean bho eachdraidh na h-Alba, Bhreatainn agus na Roinn Eòrpa agus an t-Saoghail
- ◆ a' luachadh tùs, adhbhar, susbaint agus co-theacsa stòran eachdraidheil
- ◆ a' luachadh buaidh leasachaidhean eachdraidheil agus a' co-chur fiosrachadh ann an dòigh òrdail
- ◆ a' luachadh nan cùisean a tha a' cur ri leasachaidhean eachdraidheil agus a' tighinn gu co-dhùnaidhean air an deagh reusanachadh stèidhte air fianais
- ◆ a' rannsachadh agus a' mion-sgrùdadh fiosrachadh eachdraidheil
- ◆ a' leasachadh eòlas agus tuigse mhionaideach, cheart air cùisean eachdraidheil iom-fhillte ann an co-theacsaichean mu Alba, mu Bhreatainn, mun Roinn Eòrpa agus mun t-Saoghal.

Bidh sgilean, eòlas agus tuigse a bhios sa Chùrsa a rèir ìre SCQF a' Chùrsa. Bheir sònrachaidhean ìre SCQF tuilleadh fiosrachaidh air feartan agus coileanadh ris am bi dùil aig gach ìre SCQF.
(www.sqa.org.uk/scqf)

Measadh

Tha fiosrachadh mu mheasadh airson a' Chùrsa ann an *Sònrachadh Measadh a' Chùrsa*. Bheir seo seachad làn mhion-fhiosrachadh, a' gabhail a-steach comhairle air mar a thèid buileachadh iomlan neach-ionnsachaidh airson a' Chùrsa a dhearbhadh.

Measadh Aonaid

Tha in-mheasadh ga dhèanamh air gach Aonad mu choinneamh nan cumhachan a chithear ann an *Sònrachadh an Aonaid*.

Faodar am measadh Aonad mu seach no le tar-mheasadh.

Thèid am measadh soirbheachail/neo-shoirbheachail anns na h-ionadan fhèin. Nì SQA dearbhadh-càileachd mionaideach, a' gabhail a-steach dearbhadh a-muigh, gus dèanamh cinnteach gu bheil am breithneachadh measaidh cunbhalach agus a rèir ìrean nàiseanta.

Bidh measadh nan Aonadan sa Chùrsa seo mar a leanas:

Sgrùdadh Eachdraidheil: Alba (Àrd Ìre)

Bidh aig an neach-ionnsachaidh ri fianais a shealltainn air:

- ◆ comas stòran eachdraidheil a luachadh, a' gabhail ealla ris an tùs, an adhbhar, an t-susbaint agus a' cho-theacsa aca
- ◆ tuairisgeulan, mìneachaidhean agus mion-sgrùdadh a' sealltainn eòlas agus tuigse mhionaideach, cheart air cùisean iom-fhillte taobh a-staigh raon de dh'eachdraidh na h-Alba

Sgrùdadh Eachdraidheil: Breatainn (Àrd Ìre)

Bidh aig an neach-ionnsachaidh ri fianais a shealltainn air:

- ◆ comas buaidh leasachaidhean eachdraidheil iom-fhillte a luachadh, a' co-chur fiosrachadh ann an dòigh òrdail
- ◆ tuairisgeulan, mìneachaidhean agus mion-sgrùdadh a' sealltainn eòlas agus tuigse mhionaideach, cheart air cùisean iom-fhillte taobh a-staigh raon de dh'eachdraidh Bhreatainn

Sgrùdadh Eachdraidheil: An Roinn Eòrpa agus an Saoghal (Àrd Ìre)

Bidh aig an neach-ionnsachaidh ri fianais a shealltainn air:

- ◆ comas na cùisean a tha a' cur ri leasachaidhean eachdraidheil a luachadh, a' tighinn gu co-dhùnidhean air an deagh reusanachadh stèidhte air fianais
- ◆ tuairisgeulan, mìneachaidhean agus mion-sgrùdadh a' sealltainn eòlas agus tuigse mhionaideach, cheart air cùisean iom-fhillte taobh a-staigh raon de dh'eachdraidh na Roinn Eòrpa agus an t-Saoghail

Tha eisimpleirean de dhòighean measaidh airson nan Aonadan seo rim faighinn sa *Ghoireas Measaidh Nàiseanta*.

Measadh Cùrsa

Tha measadh air [luach-leasaichte](#)¹ ann an Cùrsaichean bho Nàiseanta 4 gu Àrd Ìre Adhartach. Aig Nàiseanta 5, Àrd Ìre agus Àrd Ìre Adhartach thèid an luach-leasaichte a mheasadh ann am measadh a' Chùrsa. Feumaidh an luach-leasaichte airson a' Chùrsa dèiligeadh ri prìomh adhbharan agus amasan a' Chùrsa mar a tha iad gam mìneachadh ann am Feallsanachd a' Chùrsa. Nì e seo le bhith a' dèiligeadh ri aon no barrachd à farsaingeachd, dùbhlán no cleachdadh.

Ann an Cùrsa Eachdraidh Àrd Ìre, bidh luach-leasaichte a' cur fòcas air:

- ◆ farsaingeachd
- ◆ dùbhlán
- ◆ cleachdadh

Leudaichidh agus cleachdaidh an neach-ionnsachaidh na sgilean, an t-eòlas agus an tuigse a tha e air faighinn tron Chùrsa. Thèid seo a mheasadh le [pàipear-cheistean](#)² agus [pìos-obrach](#)³. Iarraidh am pàipear-chèist gun seall iad farsaingeachd de sgilean, eòlas agus tuigse bho air feadh a' Chùrsa. Iarraidh am pìos-obrach gun leudaich agus gun cleachd luchd-ionnsachaidh na sgilean, an t-eòlas agus an tuigse aca, agus bidh e fosgailte gu leòr gus pearsanachadh agus roghainn a cheadachadh.

¹ Gheibhear mìneachaidhean an seo: <http://www.sqa.org.uk/sqa/jargonbuster>

² Faic an ceangal gu h-àrd airson mìneachadh.

³ Faic an ceangal gu h-àrd airson mìneachadh.

Leasachadh sgilean airson ionnsachadh, sgilean airson beatha agus sgilean airson obair

Tha dùil gun leasaich luchd-ionnsachaidh sgilean farsaing, coitcheann tron Chùrsa seo. Tha na sgilean a bhios luchd-ionnsachaidh a' leasachadh agus a' leudachadh tron Chùrsa stèidhte air *Skills Framework: Skills for Learning, Skills for Life and Skills for Work* le SQA agus tha iad bho na prìomh raointean sgilean gu h-ìosal. Feumar iad seo fhisge a-steach don Chùrsa far a bheil cothroman iomchaidh ann.

1 Litearrachd

- 1.1 Leughadh
- 1.2 Sgrìobhadh

4 Comas-obrach, iomairt agus saoranachd

- 4.6 Saoranachd

5 Sgilean smaoinichaidh

- 5.3 A' cleachdadh
- 5.4 A' mion-sgrùdadh agus a' luachadh

Tha leudachadh air na sgilean seo ri fhaighinn ann an *Skills Framework: Skills for Learning, Skills for Life and Skills for Work* le SQA. Bidh ìre nan sgilean sin freagarrach airson ìre a' Chùrsa. Tha tuilleadh fiosrachaidh mu bhith a' fighe a-steach sgilean airson ionnsachadh, sgilean airson beatha agus sgilean airson obair airson a' Chùrsa ri fhaighinn ann an *Notaichean-taic a' Chùrsa*.

Administrative information

Published: April 2014 (version 1.1)

History of changes to National Course Specification

Course details	Version	Description of change	Authorised by	Date
C737 76	1.1	Added 'analysing and evaluating' to 'Purpose and aims of the Course' and 'Course structure' sections. Deleted reference to Unit-by-Unit or combined UAS.	Qualifications Development Manager	April 2014

This specification may be reproduced in whole or in part for educational purposes provided that no profit is derived from reproduction and that, if it is reproduced in part, the source is acknowledged. Additional copies of this Course Specification can be downloaded from SQA's website at www.sqa.org.uk.

Note: You are advised to check SQA's website (www.sqa.org.uk) to ensure you are using the most up-to-date version of the Course Specification.

© Scottish Qualifications Authority 2014